

MRT pasang penghadang

KUALA LUMPUR: Mass Rapid Transit Corporation Sdn Bhd (MRT Corp) akan memulakan kerja pemasangan dinding penghadang di Jalan Bukit Bintang, Isnin ini bagi memberi laluan kepada projek pembinaan stesen MRT.

Pengarah Komunikasi Strategik dan Perhubungan Awamnya, Amir Mahmood Razak berkata, pemasangan dinding penghadang itu dilakukan di sekitar kawasan pejalan kaki di depan Bukit Bintang Plaza dan bangunan Yayasan Selangor bagi memastikan keselamatan orang awam.

“Pihak kami memastikan semua langkah diambil itu akan meminimumkan gangguan kepada orang ramai sepanjang kerja pembinaan stesen MRT dilakukan.

“Selain itu, papan tanda penunjuk arah juga akan dipasang sebagai panduan kepada pejalan kaki.

“Laluan trafik di Jalan Bukit Bintang akan dilencongkan sedikit pada Oktober bagi membolehkan kerja menggali untuk pembinaan stesen MRT bawah tanah dilakukan,” katanya.